



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 04-02-372-4/25

Datum: 29.04.2025. godine

ZAPISNIK

Sa 49. sjednice Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo" održane u prostorijama Zavoda (ul. Josipa Štadlera br. 32) u utorak, dana 29.04.2025. godine, sa početkom u 13:00 sati.

Sjednici su prisustvovali: Azra Koldžo, predsjednica Upravnog odbora, članice Selma Karačević-Kapić, Elša Turkušić-Jurić, Ivona Čolić i Azra Šarić te direktor Zavoda Boris Trapara.

Predsjednica Upravnog odbora Azra Koldžo predložila je sljedeći Dnevni red za usvajanje:

DNEVNI RED

1. Usvajanje zapisnika sa 48. sjednice Upravnog odbora,
2. Usvajanje Plana javnih nabavki za 2025. godinu.
3. Usvajanje Izmjena i dopuna Pravila Zavoda,
4. Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta,
5. Ostalo.

Predsjednica Upravnog odbora obavijestila je Upravni odbor da je dnevni red koji im je dostavljen putem emaila uz poziv dopunjen tačkom 4. - Pravilnikom o izmjenama i dopunama Pravilnika o unutrašnjoj organizaciji i sistematizaciji radnih mjesta obzirom da je tačka predložena malo prije slanja poziva pa je imenovana dostavila prilog (nacrt izmjene i dopune Pravilnika te prateća mišljenja i dokumentaciju), ali isti nije dodala u sami poziv kao tačku dnevnog reda.

Dnevni red je jednoglasno usvojen.

AD – 1 Upravni odbor jednoglasno usvaja Zapisnik sa 48. sjednice UO-a.

AD – 2 Direktor Zavoda predstavio je osnovne stavke plana javnih nabavki Zavoda za 2025. godinu te je isti jednoglasno usvojen.

AD – 3 Direktor je ukratko iznio problematiku izmjene zaštitnog znaka – logotipa zbog koje se vrši izmjena Pravila ustanove. Predsjednica Upravnog odbora predložila je da se uz tekstualni opis u članu doda grafički prikaz logotipa, kako je to uradila druga ustanova JU Sarajevski ratni teatar SARTR. Usaglašeno je da će se izvršiti dopuna shodno ovom prijedlogu i da će se tačka ponovo razmatrati na sljedećoj sjednici Upravnog odbora.

Tačka nije usvojena i materijal je vraćen na doradu.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

AD – 4 Direktor je upoznao Upravni odbor sa razlozima izmjene i dopune Pravilnika o unutrašnjoj organizaciji i sistematizaciji radnih mjesta. Naime, djelatnost Zavoda i stručnih zvanja ovim će se putem uskladiti sa međunarodno priznatim standardima prema kojima su radnici baštenskih institucija prepoznati kao "konzervatori". Ova izmjena prvi je korak ka unošenju ovog zvanja i u novi Kolektivni ugovor za djelatnost kulture u Kantonu Sarajevo.

Prijedlog izmjena i dopuna Pravilnika o unutrašnjoj organizaciji i sistematizaciji radnih mjesta JU "Kantonalnog Zavoda za zaštitu kulturno-historijskog i prirodnog naslijeđa Sarajevo" broj 02-366/25 od 25.04.2025. jednoglasno je usvojen.

AD – 5 Pod tačkom "Razno" direktor i predsjednica Upravnog odbora poželjeli su dobrodošlicu novim članicama Upravnog odbora te su ih kroz razgovor informisali o dosadašnjem radu Zavoda, najvećim izazovima sa kojima su Zavod susretao kao i budućim planovima i radu.

Sjednica je zaključena u 14:10 sati.

Zapisnik pripremila
Azra Koldžo

Predsjednica Upravnog odbora

Azra Koldžo

Dostaviti:

1. Ministarstvu kulture i sporta Kantona Sarajevo,
2. Članovima upravnog odbora (elektronskim putem),
3. Direktor,
4. Računovodstvu,
5. Arhivi UO,
6. Arhivi Zavoda.